

Caymiska Dhalmada-kadib ee Medicaid iyo Child Health Plus waxaa la Kordhiyey 60 Maalmood ilaa Hal Sanno

Laga bilaabo Maarj 1, 2023, haweenka uurka leh iyo caruurta dakhliga hooseeya kuwaas oo ka diiwaangashan Medicaid iyo/ama Child Health Plus waxey haddeertan xaq u yeelan doonaan iney helaan ilaa laba iyo toban bilood oo caymis dhalmo-kadib ah, iyadoon loo eegin xaalada soo-galootinimo ama sida uurku ku dhammaadey.

Waxay tani ka dhigan tahay



- In caymiska dhalmo-kadib ee Medicaid iyo/ama Child Health Plus hadda la kordhiyey ilaa laba iyo toban bilood uurka kadib iyadoon loo eegin wax isbedel dhakhli shakhsiyeed ama cadadka qoys inta lagu jiro mudada ka dhigi lahayd ineydan u qalmin iney helaan faaiidooyinkan.
- Adeegyada Medicaid iyo/ama Child Health Plus ay dabooli doonaan mudada 12-ka bilood ah waxaa kujira dhammaan darafyada faaiidooyinka Medicaid iyo/ama Child Health Plus, laga bilaabo booqashooyinka dhakhtarka ilaa isbitaalka, qoritaanka daawooyinka, iyo sidookale wax walbo oo u dhexeeya, ay ku jirto daaweynta nafsiga.

Asalka

- Dawlada federaalka waxey soo saartay sharci cusub 2021 ka qeyb ahaan Sharciga Badbaadada Mareykanka, taas oo ka kordhinaysa caymiska dhalmada-kadib lixdan maalmood ilaa 12 bilood kadib dhalida ee gobolka kasta oo rajeynaya inuu dhaqan-geliyo dooqa noocan ah. Gobolka New York waxey la qabsatay sharciga waana gobolka 35-aad ee loo ansixiyo caymiska la dheereeyey.
- Go'aanka New York ee dhaqan-gelineyso dooqa federaalka si loo kordhiyo caymiska dhalmada-kadib wuxuu sidookale taageeraa qorshaha Ficilka Daryeelka Dhallaanka maamulka Biden ee horumarinaya caafimaadka, gaar ahaan bulshooyinka la liido. Yool weyn ee kordhinta caymiska ayaa ah in la yareeyo sinnaan la'aanta midabka lala xiriirinaya cudurada iyo dhimashada dhalmada-kadib iyadoo dadka New York degan ee la gacan bidexeeyo la siinayo daryeelka ugu badan ee hal sanno ah kadib dhalmada ee intey u baahanyihiin.
- Ka qeyb ahaan guulihii dooda ololihii NYIC's Coverage4All iyo tallaabo muhiim ah ee loo qaado dhanka helitaan caymis daryeel ee dhammaan dadka New York degan, Miisaaniyada 2023 sannadka ee New York wuxuu si saa'id ah ugu daray qeyb ah in lagu dheereeyo caymiska dhalmada kadib ah ee lagu caymiyo dhammaan haweenka uurka leh iyo caruurta dakhligooda hooseeyo, iyadoon loo eegin xaalada soo-galootinimo ama sida uurku ku dhammaadey.

U-qalimid

- Shakhsiyaadka u qalma faaiidadan waxaa ku jira shakhsiyaadka kuwaas oo, intey uurka leeyihiin, u qalmay oona helay adeegyada hoos yimaada barnaamijka Medicaid ee New York ama barnaamijka Child Health Plus ee New York ayaa heli kara faaiidooyinka. Ka qeyb ahaan Miisaaniyada 2024, faaiidada waxaa sidookale loo dheereyn doonaa shakhsiyaadka ku jira Qorshaha Muhiimka ah.
- Shakhsiyaadka waxey ahaan doonaa kuwo uqalma ilaa mudada uurka leeyihiin (ay ku jirto muddo kasta ee u-qalimid dib-u-kicin ah), xitaa haddii dhalmadu dhammaato, iyo mudada 12-bilood ee dhalmada-kadib ah.
- Mudada 12-ka bilood ee dhalmada-kadib waxey bilaaban doontaa maalinta ugu dambeysa ee dhalmada waxeyna dhammaan doontaa maalinta ugu dambeysa ee bisha 12-aad.
- Inta la kordhin doono caymiska Medicaid iyadoon loo eegin isbedel kasta ee ku yimaada dakhliga shakhsi ama cadadka qoys inta mudada lagu jiro, u-qalmida ayaa lasoo afjari karaa inta mudada lagu jiro xaaladaha soo socda awgood:
 - (1) haddii qof uu codsado inuu si ikhtiyaari ah isaga tiro barnaamijka;
 - (2) haddii qof uu ka guuro gobolka;
 - (3) haddii u-qalmida qof lagu sameeyey si qalad ah dib-u-go'aamintii dhaweyd ama haddii u-qalmida lagu go'aamiyey si la xiriirta khalad ama khiyaano, xadgudub ama been abuur, iyo
 - (4) haddii qofku dhinto.



Diiwaangelinta

Diiwaangelinta Medicaid iyo/ama Child Health Plus waxaa la samayn karaa xili walba inta lagu jiro sannadka.

Sida loo codsado:

- Onlaaynka nystateofhealth.ny.gov. Aalad wada-sheekeysii ayaa ku diyaar ah websaydhka inta lagu jiro sacadaha xarunta adeega macaamiilka si uu kaaga caawiyo buuxinta codsiga.
- Ka wac Xarunta Adeega Macaamiilka ee Caafimaadka Gobolka NY [1-855-355-5777](tel:1-855-355-5777).
- Ka hel gargaar diiwaangelin bilaash ah Jiheeyey, si waji-ka-waji ah ama qaab taleefon. Jiheeye ka hel info.nystateofhealth.ny.gov/ipanavigatorsitelocations.
- Ka hel macaluumadka dhowrka luuqadood ee ku saabsan caymis caafimaad info.nystateofhealth.ny.gov/InformationalMaterials
- Dadka degan Magaalada New York: wac [311](tel:311), u dir fariinta "CoveredNYC" 877-877, ama booqo on.nyc.gov/healthinsurance wixii caawin iyo kheyraad dheeri ah.
- Haddii aad ku jirtid daryeel koriin ama daryeel korin dhalin aadana u qalmin inaad iska diiwaangelisid New York State of Marketplace, waxaad sidookale ka codsan kartaa Waaxdaada maxalliga ah ee Adeegyada Bulsho (health.ny.gov/health_care/medicaid/ldss.htm)

